

Na osnovu Zakona o Agencijama i unutrašnjim službama za zaštitu ljudi i imovine (Sl. novine F BiH broj 78/08 i 67/13), Uredbe o poslovima tehničke zaštite koji se odnose na korištenje alarmnog sistema te poslove intervencije u slučaju aktiviranja alarmnog sistema, član 46. (Sl. novine F BiH broj 72/15) i Uredbe o načinu i postupku provođenja mjera zaštite i vršenja prijevoza i prijenosa gotovog novca, vrijednosnih papira i dragocjenosti (Sl. novine F BiH broj 76/15)

UGOVORNE STRANE:

1. Davalac usluga: UNILAB d.o.o. Sarajevo, Agencija za zaštitu ljudi i imovine,
ul: Drinska br.70, Sarajevo, ID: 4 2 0 0 0 5 4 1 6 0 0 7 ;

koga zastupa direktor Hazim Šahbaz, dipl. ing. el.

2. Korisnik usluga:

ID: 4 | 2 | 0 | 0 | 2 | 5 | 9 | 7 | 2 | 0 | 0 | 0 | 5 |

koga zastupa: Kanita Selmanović-Kulo, prof.

zaključile su:

UGOVOR br. TS-363/19

član 1.

Ugovorom se uređuju međusobni odnosi ugovornih strana u vezi pružanja usluge redovnog šestomjesečnog tehničkog pregleda i servisiranja sistema tehničke zaštite: protivprovalnog, videonadzornog i vatrodojavnog sistema na objektu

član 2.

Poslovi pregleda sastoje se od kontrole ispravnosti i servisiranja sigurnosne opreme i sredstava, a dokazuje zapisnikom o obavljenom servisiranju i kontroli ispravnosti.

član 3.

Korisnik je dužan obavljati redovnu kontrolu provođenja mjera i radnji u objektima i prostoru koji se štite tehničkom zaštitom te obavještavati Davaoca o uočenim nedostacima i nepravilnostima na sistemima zaštite, a što je isti dužan otkloniti u razumnom roku.

Korisnik se takođe obavezuje na potrebu pismenog obavještavanja ili upoznavanja Davaoca o svim građevinskim ili drugim promjenama u bilo kojem objektu (rekonstrukcije, prekranjanja prostora, pomjeranja ili zaklanjanja sigurnosne opreme i sl.), kojima nastaju promjene u prostoru ili na opremi a time bitno utiču po sigurnost objekta odnosno detekciju neovlaštenog pristupa. Time će se blagovremeno reagovati i uskladiti pozicioniranje opreme sa projektom i elaboratom zaštite.

član 4.

Davalac usluga se obavezuje na savjesnost i dosljednost u izvršavanju ugovornih obaveza u okvirima važećih Zakona i Uredbi iz ovih oblasti, izuzev uticaja više sile ili stanja van kontrole Davaoca koje se nisu mogle predvidjeti u vrijeme zaključenja ovog ugovora.

Na osnovu pisanog naloga nadležnog organa uprave (organ unutrašnjih poslova, tužilaštvo ili drugi ovlašteni organ uprave), u slučajevima kada je potrebno poduzeti posebne mjere sigurnosti iz djelokruga rada tih tijela, Davalac će isključiti alarmni ili videonadzorni sistem zaštite kojeg je ugradila za Korisnika. Iz

prethodnog. Davalac će odmah obavijestiti Korisnika o isključenju sredstava, kao i o razlozima i trajanju isključenja.

član 5.

Cijena usluge iz člana 1. ovog ugovora iznosi 150 KM + PDV po jednom redovnom servisnom pregledu za oba sistema. U ovoj cijeni nisu sadržani rezervni dijelovi i njihova zamjena. Eventualna zamjena rezervnih dijelova i opreme, kao i nalozi za vanrednim tehničkim intervencijama će se fakturisati po važećem cjenovniku ili prema ponudi Davaoca uz saglasnost korisnika.

Korisnik usluga se obavezuje na redovnost plaćanja ispostavljene fakture, u roku od deset (10) dana po prijemu iste.

član 6.

Davalac i Korisnik usluga se obavezuju da će u vremenu trajanja ovog ugovora i u vremenu od dvije godine nakon isteka, kao poslovnu tajnu čuvati sve poslovne informacije i podatke koji su u vrijeme trajanja ugovora bili dostupni.

član 7.

Ugovor se zaključuje na period od 01.04.2019. – 31.01.2020. godine i automatski se produžava ukoliko se ni jedna od ugovornih strana pismenim putem ne izjasni drugačije.
Otkazni rok traje jedan jedan mjesec i objavljuje se pismenim putem unaprijed.

član 8.

Ugovor stupa na snagu sa danom obostranog potpisivanja ugovornih strana.
Svi eventualni sporovi koji proisteknu iz ovog ugovora, ugovorne strane će rješavati sporazumno. U suprotnom, nadležan je sud u Sarajevu.
Ugovor je sačinjen u dva (2) istovjetna primjerka od kojih svaka strana zadržava po jedan.

Broj: 01- 479 /19

Datum: 15.04.2019. godine.

Za Korisnika:





Broj: TS- 363 /19

Datum: 16.4.2019

Za Davaoca:



